

皇朝史略 一六

福岡第一師範學校
(學校圖書)

| | |
|------|----------|
| 第 | 號 |
| 通史科學 | 門 |
| 日本史 | 部 |
| 記 | 類 |
| 書 | 冊 |
| 全冊第 | 210.08 號 |

24720

| | |
|---|---|
| 第 | 冊 |
| 號 | 內 |

T1A1
26
A 58

續皇朝史畧弁言

自序

卷一

予少時好史學尤耽讀國史

其簡約便初學者無如皇朝

史略而其篇幅止于慶長五年

而無有續之者常以為憾嘗

圖書 和圖書 題



a 1 3 8 0 3 2 3 7 8 2 a

福岡教育大学蔵書

倣其體裁起筆於慶長六年
至孝格天皇文化十三年以之
引用書廢閣久矣已而携稿
極浪速寺肆梳田義智諸梓
乞再之予辭以拙陋固乞曰得

大雅之助定而梓之遂從其
請尔後以元治夢物語近世
史略等諸書又編至

今上皇帝明治七年名曰續
皇朝史略稿僅成未暇校定而

義智屢促不心因與之抑此
編素孟浪杜撰挂漏極多敢
仰高明云釋正耳

明治七年十一月石村貞一誌



海石書園

續續皇朝史略卷之六

長門 桐陰石村貞一纂輯

瀨津 錦水小川德治校正

仁孝天皇諱惠仁光格帝第四皇子也

紀聞作第三子今從御譜

母東京極院贈內大臣藤原經逸之女文化六年立

為皇太子至是受禪時年十八○尊先帝曰太上天

皇○關白忠良左大臣基前右大臣政通內大臣齊

信並如故○夏五月不雨○秋八月奉幣于大廟告

嗣位

亮續紀

○阿部正精為老中

武鑑

○九月行即位

禮○冬十二月納准三宮藤原政熙女繫子為女御

御譜○文政元年夏四月改元留散狀○家齊鑄八銖金

欸曰二分○秋八月大久保忠真水野忠成為老中

內藤信敦為所司代武鑑○冬十月閑院親王美仁薨

子孝仁嗣補任家譜○十一月奉幣于大廟大嘗紀事御譜○

二年春正月朝鮮商舶漂到伯耆○夏五月家齊改

鑄元字金及四銖金欸以艸文表年○秋大有年斗米

價三十錢○三年春二月有栖川親王織仁薨子韶

仁嗣補任狀留散○夏四月左大臣基前薨子忠熙嗣○

六月右大臣政通為左大臣前內大臣愛德為右大

臣宣下留○肥筑大水島原最甚年表○秋七月家齊改

鑄文字銀以艸文為欸紀聞○冬十月右大臣愛德罷

內大臣齊信為右大臣權大納言藤原公修為內大

臣公修實起之也○十二月女御繫子為准后補任

事紀○四年夏四月內大臣公修罷權大納言藤原尚

忠為內大臣知譜拙記補任○秋七月荷蘭貢駱駝二頭年表

○五年春二月家齊為左大臣叙從一位權大納言

家慶為內大臣叙正二位文政日記○夏四月准后繫子

薨葬于泉涌寺追稱新皇嘉門院補○五月上皇幸

于修學院修學院類敗百數十年至是修之紀○秋

八月山陵志成初蒲生秀實徧歷諸國以著之止梓

至是成序○德川齊昭慨山陵之荒廢圖其修覆

欲先修畝傍山以序及他陵因山陵志辨其方位而

其臣來原信敬祗役于京師途次至畝傍陵詢於土

人參於舊記且以具原篤信之說可擬始辨山陵志

之謬筆之呈齊昭齊昭乃請家齊興山陵之役家齊

弗聽詩史○九月松平乘寬為老中武○六年春三

月忠良辭關白左大臣政通為關白補○青山延

于著皇朝史畧本○冬十二月彗星見東方光芒

數尺踰年猶見表○七年春正月關白政通辭左大

臣右大臣齊信為左大臣內大臣尚忠轉右大臣權

大納言藤原經久為內大臣經久家孝之子也○二

月閑院親王孝仁薨子愛仁嗣○夏五月內大臣經

久罷權大納言源通明為內大臣○六月通明罷權

大納言源經豐代之經豐罷權大納言藤原忠熙代

之補○秋八月英吉利船再抵相之浦賀常之

大津上陸遂抵薩之寶島抄掠民家監吏吉村某討殺一人餘皆遁去年表四○九月上皇幸于修學院觀楓令侍臣賦詩歌○八年春三月又觀櫻春秋二幸後以為例紀○秋八月從三位藤原禰子為女御祺子政熙之女補任○是歲家齊令曰外夷之船至海濱者發砲碎之且漁民竊與夷人貿易於洋中者一切禁之○九年春正月清人送我漂民抵遠江漂民南部梢子也○夏四月上總土寇起抄掠郡縣○五月江戸盜賊橫行殺掠路人家齊命捕之○東國

旱

紀聞

○冬十二月松平康任為老中

武鑑

○是歲源

松苗修國史畧

本書

○十年春二月家齊為太政大

臣內大臣家慶叙從一位

化政

○十一年秋七月大

風水西海最甚破屋五萬餘戶壓死一萬餘人彦山

祠扉飄至筑後松島山○八月閑院愛仁為親王任

彈正尹

補任

○冬十一月越後地大震地裂廬倒壓

死無數○十二年春正月家齊鑄一朱銀文曰以十

六換一兩○三月江戸大火藩邸商舍延燒十一萬

九千戶焚死千九百餘人○冬十一月磔耶蘇徒六

人於大阪五年表○紀聞作○天保元年春閏三月宇

治新祀宮災詔止朝五日○夏五月奉幣于大廟穰

新祀災紀聞○秋七月京師地大震餘動至明年夏○

冬十二月改元○是歲畿内西國之民詣大廟者甚

衆沿道豪族競施輿馬食物時人謁御蔭參天保日記○

二年春二月家齊薨淀川海口土石積成大阜世稱

曰天保山天保山記○夏四月銅本多正収斬其臣伊藤

某初正収為長崎奉行也伊藤等賈妓以為妾遂携

以歸主是發覺罪逮正収年表○五月所司代内藤信

敦罷太田資始為所司代武鑑○三年夏五月賴襄卒

年五十三襄字子成號山陽安藝人也○秋七月土

井利位為大阪城代○冬十月家齊鑄二銖金元祿

中既鑄而廢之至是復之○是歲諸國竹實民飢續太

平年表○四年夏六月與羽寒如冬木稼凋落○是冬

飢與羽最甚天保日記○五年春三月水野忠邦為老中

○夏四月所司代太田資始罷松平信順代之武鑑○

冬十二月朝鮮飢家齊貸一萬金于宗義貸以賑之

紀聞○德川齊昭謂老中大久保忠越曰昔者大猷公

五

戒長崎奉行曰內地戰爭彼此勝負皆一家之幸不幸耳至沒土地人民於夷狄則日本之辱孰大焉雖寸尺以死守之可也夫蝦夷千嶋本屬我神州之地其如摸沙都加者既出於蝦夷方言則其地亦安知非源豫州所割地而今魯西亞傲然挾其地千嶋之多我僅有久奈志利惠土呂府二島所失之地何啻一寸一尺豈非千古之憾哉然議者皆謂蝦夷之地瘠鹵不可耕氣候極寒陰霧四塞僅有沿海諸港之可居而其人愚暗柔弱不知禮義得其地不能生穀

殖財得其人不能施教為治此信尋常迂腐之論耳誠使偉略雄算如神禹者隨山伐木泝水得源直踞其中央大移封內之民盡其田耨其野以銷其陰霧變其氣候則愚者漸智弱者日強不出十數年而宛然為一大國也必矣鎮撫之算不可不講開拓之策不可不盡也忠越驚客曰往年幕府以松前家微弱不能當折衝之任徙之於梁川新置松前奉行從事鎮撫開拓既而又還之於松前家今欲嚴其鎖鑰則有脩往年故事耳然長崎奉行二負每難其選而更

置松前奉行恐之其人齊昭誥曰昔者東北海路未通故外患常在長崎今蝦夷直與魯西亞為隣則今日之患在松前而不在長崎也家齊復置松前奉行

詩史○六年夏四月美濃民蜂起襲縣令野田斧吉

於新田斧吉走駒野初代助賂斧吉而脩笠松開廣狹不如舊既而川張開破漂沒笠松高須等百餘村斧吉巡視抵新田次子代助家眾大怒以及之家齊命戶田氏彬捕亂民磔其首謀者令斧吉自殺紀○

秋七月詔皇子節仁繼位九月皇子統仁為親

王御諸紀事

○家齊鑄大錢款曰天保通寶背曰當百○

削仙石久利封誅其宰左京等初左京慧照為久利之父久道所寵久利无政美平久利為嗣左京欲授久利以己子久太代之與宇野甚助岩田静馬謀鴆久道遣刺客刺久利于江戸邸邸吏神谷轉察之左京欲滅口詭國事亟召轉不還晦跡為僧改名友鷺左京馳人捕之不得遂請家齊執之友鷺就縛縱容愬冤乃檻致京等斬之梟首于出石續年表○冬十二月井伊直亮為大老武鑑○七年春三月皇子節仁

為親王薨事紀○老中松平康任以左京姻戚坐罷家

齊徙之於棚倉井上正春於館林松平齊厚於濱田

○夏六月大雨水寒如冬人皆服絮衣聞紀○是歲大

飢東國最甚與羽兩野之民爭赴江戶者陸續不絕

米穀愈乏餓殍愈多○八年春二月大阪大火第宅

延燒二萬餘戶是日大塩平八與子格帥黨與百數

十人發巨礮燔東西夷坊及天滿將襲府城殲姦吏

土井利位及在城諸將各發兵護諸門町奉行跡部

良弼堀利堅亦與以役良弼畏敵還遠不進利堅亦

衆拒擊阪本鉞勇壯精拔銳一發斃梅田源斷其頭

注掣上以視之同僚亦立死者有之於是黨與氣沮

潰散利堅良弼縱士卒捕之又令防火兩日夜火始

熄而平八等猶未獲土井利位及近畿諸侯並發兵

備之置關物色既而有告平八匿鞠街漆戶者即遣

兵圍之平八父子放火自死初平八精陽明學為吏

斷妖巫姦覓賊吏之獄深文嚴酷遠近不寒而栗名

遂大著文政之季致仕讀書教授以居癸未以來歲

頗歎民窮益甚於是售藏書以振卹之然土井利位

等閑穀不救是以忿懣有此舉云天保日記○夏四

月太田資始為老中○五月松平信順為老中土井

利位為所司代間部詮勝為大阪城代武鑑○秋八月

家齊辭大將軍家慶代之為右大臣續年表○九月家

慶鑄五兩銀一分銀年表○是歲京師儒者北小路三

郎設教館場於三條磧賑飢自春至冬止聞○九年

春三月江戸西城災家慶課諸族築之○夏四月土

井利位為老中間部詮勝為所司代武鑑○五月甲斐

土民蜂起抄掠郡邑焚毀家族縣令西村定太發統

捕之磔首謀者餘皆流竄山田筆記○十年春二月西城

成○夏四月家齊移山田筆記○十一年春正月伏

見親王貞敬薨子邦家嗣系圖○間部詮勝為老中牧

野忠雅為所司代武鑑○三月立親王統仁為皇太子

御講內大臣忠暎傳之補任○冬十一月上皇崩年七十

○十二月葬于泉涌寺御譜稱曰後月輪陵御譜○十二年

春正月遣左近衛上將藤原輔興右近衛中將藤原

實愛等于泉涌寺謚上皇曰光格天皇自宇多帝停

謚法幾六十世至是復之先是齊昭聞大喪賂書關

白政通議葬祭復古是以起廢典云紀聞四○家齊

薨年六十九葬于寬永寺謚文恭續年表○三月堀田

正篤為老中武鑑○冬十月法親王濟範以廢臣數人

夜抵大阪遂西奔吏追及播磨以歸○十一月泉涌

寺火聞紀○是歲齊昭收鑄封內銅佛梵鐘以造巨煩

○十三年春三月礫森商木屋藤右兄弟于加賀二

人犯嚴禁與外國貿易故及續年表○夏五月關白政

通為太政大臣補仕散狀留○家慶廢一銖銀○秋七月

詔褫法親王濟範官爵幽丁東寺○九月詔安倍時

親改曆名曰天保曆天保記○是歲家慶使市野茂三

郎檢諸國田地既畢北陸將抵近江近江民蜂起襲

其次舍茂三郎執槍護簿櫃一人橫奪之櫛中茂三

郎茂三郎驚怖遁歸檢地遂寢遠藤胤統○家慶廢乙

酉之令齊昭建議曰封內民俗愚戇而漁父鱸丁尤

甚日布攘夷之令猶恐或耽弗入於洋中今廢其令

則貿易之姦波不可防請循乙酉之令家慶不能制

○十四年春二月見白氣于未申之交天文家謂之

彗星如茂保行勘文○三月海南三百里許兵艦見家慶命

賣

稻葉正守成和泉數旬而去○夏四月家慶詣日光

天保日記○秋九月阿部正弘為老中武鑑○高野山大塔

災續年表○冬十一日牧野忠雅為老中酒井忠義為

所司代武鑑○弘化元年春三月皇太子元服內大臣

忠熙加冠御譜○總年表作十○荷蘭人來長崎曰

方今形勢與西洋諸國不結盟約為交易則各國帥

軍艦數十艘將來寇世情○夏五月家慶幽水戶齊

昭錮其臣戶田安敬藤田形鷗殿忠愛今井則○江

戶城災家慶課諸疾築之續年表○冬十二月改元○

二年春正月皇子胤宣紹兩院殿系圖○二月吐亞米

利加船送陸奧阿波漂民來浦賀漂民去冬洋中遭

颶為彼所救而歸大天保四年○秋九月開院胤宮薨

○冬十二月詔家慶起學習院使藤原具善菅原聰

長督之紀聞○三年春二月帝崩在位二十九年改元

者三曰文政曰天保曰弘化皇太子立是為孝明天

皇

孝明天皇諱統仁是帝第四子也母新待賢門院贈

左大臣藤原實光之女天保十一年立為皇太子至

是踐祚時年十六御譜○關白太政大臣政通左大臣

齊信右大臣尚忠內大臣忠熙並如故死聞○三月謚

先帝曰仁孝天皇葬于泉涌寺是為弘化廟御譜○夏

五月北亞米利加將官必武荔以兵艦二艘來浦賀

乞互市不聽○六月新清和門院崩年六十八葬于

泉涌寺初今日○七月家慶綱高嶋四郎太神代德次

刑其黨二十餘人四郎太嘗學砲術於荷蘭人頗究

其蘊與本邦銃法之傳是為始近也事情○四年春三月

尊准后祺子曰皇太后御譜○信濃地大震城郭宮室

皆崩○夏四月齊信辭左大臣○六月晉太臣尚忠

轉左大臣內大臣忠熙遷右大臣權大納言藤原家

厚為內大臣家厚愛德之子也補生譜知○秋八月奉

幣大廟告嗣位○九月行即位禮○冬十月稱皇太

后曰新朔平門院崩年三十七葬于泉涌寺○十二

月內大臣家厚罷權大納言藤原輝弘代之輝弘輝

久之子也○嘉永元年春二月改元○輝弘辭內大

臣權大納言藤原實堅為內大臣○三月實堅罷權

大納言藤原輔熙為內大臣實堅實祖之孫輔熙政

通之子補任明覽○秋九月關白政通辭太政大臣

冬十月贈德川廣忠德川家基正一位太政大臣以

家慶為左大臣陞從一位宣下留○松平忠優為老

中內藤信親為大阪城代鑑武○十一月造悠紀主基

二殿於南庭奉幣大廟大嘗續年表○十二月納從三

位藤原風子為女御風子左大臣尚忠之女御譜○是

冬初脩大廟○二年春三月家慶帥諸侯及麾下狛

子小金原○夏四月其吉利人來浦賀上陸巡察使

江川太郎諭去之世傳○五月家慶令諸侯為海

防禦○秋九月大廟成奉幣遷宮○冬十月藤堂高

猷猷刻資治通鑑本○是歲西洋始傳種痘方○

三年春正月朔日有食之○詔贈外舅中納言實光

左大臣○夏四月諸國竹實大如麥抄○秋七月

所司代酒井忠義罷○九月內藤信親為所司代土

屋寅直為大阪城代鑑武○冬十一月琉球來聘○京

畿西國飢續年表○四年春三月贈和氣清麻呂正一

位謚護王神續年表○冬十月白虹貫日

○十一月內藤信親為老中○十二月賜阪安宅為

所司代武鑑○五年春二月管廟營繕成勅修管公九

百五十年之祭○三月周防孝女阿米卒年六十二

初米六歲喪母家素貧父託米於行舅傭作自給後

罹疾召還佐生理時年十二米日為隣里舂軀小力

微縛石於腰以春夜則紡績達旦僅得錢贍父父疾

久不瘥精神昏眊屢欲投水米防護不離側夏不爇

冬不燼夜不解帶女紅所得躬不費一錢父所嗜必

買而供之務承歡心父雖貧且病亦怡怡如也父死

而後終不嫁云本傳良○夏五月魯西亞船來下田

送歸肥前漂民七人○六年春二月皇相參遠地太

震函根足柄諸山萌小田原城壞續續年表○家慶再築

西城前田齊泰伊達慶邦細川齊護毛利慶親黑田

齊博蜂須賀齊裕以下五十二侯助役○夏四月礪

錢屋五郎兵以犯國刑與外國貿易也今日○六月

北並米利加公使破理帥兵艦四艘來浦賀奉行戶

田氏榮馳屬吏中嶋三郎入其艦詰之答曰奉使乞

互市齋國書方物請謁貴國重臣獻之氏榮飛書報

之江戸家慶大驚急令慶親齊博齊護齊裕戌互相

房總之海岸復召德川齊昭參謀議日夜會議城中
先是荷蘭報米國來航家慶深秘不發至是事出倉
卒衆情恟恟既而建館於久里濱使保科容保井伊
直弼備之戶田氏榮井戶學弘林健茂而受書陂理
從兵三百鼓行而至獻書函及方物數十種曰請直
達大君殿下儀畢而出其書略云我邦疆大土沃寶
貨足以相資汽船足以相通貴國能改舊貫以為通
市其利不貲試之數年無益而後止不亦可乎且我
市舶漂而至貴國近海倘有乞貸幸其給之家慶使

答之曰事體極大非可輒辦宜以明年來長崎待報
慰喻遣去使脇阪安宅具狀以奏

續續年表陂理日本紀行

○家

慶豐年六十一權大納言家定繼嗣家定家慶第三
子○秋七月魯西亞水師提督布恬廷以兵艦四艘
來長崎曰奉本國首宰呈貴邦執政書願謁上官獻
之奉行水野忠篤受之書旨約三事曰修隣好曰正
疆場曰乞互市乃致之江戶家定遣筒井政憲川路
聖謨于長崎賜答書曰貴國與我邦原肇開衅之端
以好意來論我邦何得不以好意報第疆域之界貴

國以為不明則當與商議而定然按圖籍加查覈有確憑而後從事是共今日所能辦也通市則我邦有厲禁業已固辭然現今宇內互市日盛不可取古例律今事須輿論一定而後報之○八月德川慶恕上書曰宜命荷蘭停雜貨輸入代以大砲軍艦家定乃從之更命中嶋三郎造兵艦鑄巨砲築砲臺于品川擢江川太郎左高嶋四郎太及漁父萬治屬之萬治土佐人漂流適北亞米利加脩學六旬粗通之居十三年而歸其語彼風土事情故有此選嘉永日記○

華家慶于增上寺贈太政大臣謚慎德○冬十一月

詔家定任征夷大將軍補內大臣宣下留續續年表○家定

令毛利慶親細川齊護松平忠國松平慶政築砲臺

於相房武總要衝之地浦賀砲臺圖○德川齊昭獻巨煩

七十四門于江戸○家定又鑄一朱銀達書○安政

元年春正月陂理帥兵艦七艘復來浦賀申前請直

入金川發空砲測海底而軍艦砲臺一無所成者家

定急命列藩益護京師江戸及諸道要害遣井戶某

林健于浦賀應接之會陂理疾不能出召副使阿摩

賣

須曰外舶關入內海國法所固禁宜速回船于浦賀
阿單須曰苟獲前報即掛帆去事猶不辨直赴江戸
取凌否則泊品川以待處分以其不可論更起應接
廠于橫濱使井戶學弘伊澤政義等便服饗待之陂
理曰條約不定則爭端不息法度不立則民心易惑
請今後泊船乞肉菜者苟納其直則給之如薪水亦
準之士卒上陸亦允之測量內海上岸立標亦勿之
禁也語畢而出時細川齊護立花鑑寬竝請以手兵
討滅德川齊昭亦建十議以論米夷不可和皆不聽

○二月權許其泊下田箱館長崎遂賜米百石政憲
聖謨自長崎歸視許陂理以三港也以與前議相反
上書爭之亦不省撤武相房總之戍戍兵凡三萬六
千餘人志士聞之極口嘲幕府之怯云因錄水府
老公密書

○三月米艦去金川抵下田○夏四月大內災帝奉
神器避火于加茂遂徙御桂殿以為行宮勅家定造
大內課諸侯助役阿部正弘掌事石川政平川路聖
謨董役抄今日○因佐久間修理吉田寅二澁木松太
初寅二就修理學兵書修理曰方今為男子者不可

不游海外知宇內形勢寅二感奮會魯船來長崎欲
附載烏訛西游告别修理察其意賦詩送之至則船
既去慊然復入江戶時米艦在下田携松太赴下田
密就米使乞之不聽令人送致之港吏更收其行裝
裝中有詩併捕下獄象山手簡○六月迫畿諸國地
大震○家定以日章為本邦徽號○鍋島齊正築砲
臺于長崎家定賞其堅壯賜以名刀迫也○秋七月
咬留吧都督漸涅喇兒來長崎乞通市英吉利海陸
總兵官的呂令亦來乞皆權許泊三港○九月魯船

闌入攝海上屋寅直周章使屬吏赴之魯人托書而

去○冬十月魯艦到下田申前請亦權許泊三港條

書留咬留○十一月諸國地大震富士山崩○家定

命井伊直弼衛京師酒井忠義柳澤保德副之○改

元安政○十二月收鎔天下梵鐘以鑄煩礮○二年

春正月建講武場○二月島津齊彬獻兵艦巨礮家

定賜刀醺之元治夢物語新續年表○今日抄作八月○三月米艦來下

田乞測量近海不聽○家定命松前崇廣收東西蝦

夷償以伊達郡四萬石○夏四月令伊達慶邦佐竹

義睦津輕順承戎蝦夷箱館○五月改造神嘉殿○

六月荷蘭致汽船遣矢田堀景藏勝安芳等千長崎

學掾之今日抄○秋八月老中松平乘全松平忠優罷

鑑武○九月大内成○冬十月江戸地大震城郭街巷

皆崩死傷十萬餘藤田彪亦壓死彪字斌卿號東湖

水戸人先是罹厄禁錮三年於是從齊昭在江邸地

震彪馳伺齊昭曰主君疾出即出屋倒彪壓死年五

十預防說叙振氣篇○老中阿部正弘卒武鑑○十一月帝後

御所御○壬午春二月家之親藩書稱其人其作玩

甫松本廣安等為教習○夏六月政通辭關白宣下

○秋七月米國全權公使巴爾理士來下田曰直主

國書于將軍奉行井上清直百方中沮竟不能折告

之江戸亡幾聘見之議決安政日記○八月左大臣尚忠

為關白宣下○江戸大風屋瓦皆飛死傷十萬餘人

○堀田正篤為老中掌外國事務武鑑○家定

令松平定安松平頼胤築砲臺于大阪新續表○四年

春正月關白尚忠辭左大臣右大臣忠照為左大臣

前内大臣經久為右大臣○二月经久罷内大臣輔

熙代之權大納言藤原基豐為內大臣○夏五月基豐罷權大納言藤原實萬為內大臣實萬公修之子也宣下留知譜牒記○家定鑄鐵錢文曰箱館通寶○秋八月賜坂安宅為老中本多忠氏為所司代鐵○荷蘭上書曰貴國已與米魯英約新開二港佛亦建碑至是四國之富強方今冠五洲貴國與俱建碑安邦深為貴國賀之然貴國不革舊章嚴威自恃頗非視海外有乞事者則不速決不得已而後決之損威招侮不少竊為貴國不取也貴國未聞支那之事乎道光

一敗五港失守廈門全為英轄其餘皆如兩屬是係其尊已界人交際失信貴國宜為追鑒焉正篤等恐怖遂許米使聘見○冬十月巴甫理士謁家定呈國書正篤召巴甫理士其郎曰將軍有命大統領來諭公使所陳皆已領畧深謝懇篤今後所請新開港市以堅兩國之交好巴甫理士曰下田港屬不便換以金川大阪曰埠頭已定則就建商館造寺院曰兩國人民因便貿易官吏無復檢之曰規約已定則必得政府印信以為照准曰我全權公使常駐江戶以便

事務正篤曰以衆議而決答已尔理士還下田以待
事定先是齊昭致書執政論米使入見之不可列藩
亦各建言切諫其不可至或請不與聘儀皆不聽○
十一月家定饗已甬理士賜時服十五領以謝其懇
告新續年表○水戶藩士信田仁十蓮田藤藏等謀要擊
米使夜入其館為吏所捕齊稿○十二月家定使林
捷津田半三入京師上米國書乞勅允朝廷輟而不
報○五年春正月詔諸公卿會議米國事宜前關白
政通關白尚忠左大臣忠熙右大臣輔熙內大臣實

萬及參議以上數十名與之抄○二月堀田正篤
入京奏曰頻年米使連至切乞通市其他諸國亦將
踵來而皇國獨執舊規而不通恐自取禍因欲大開
諸港泛通海外以一變國法中興盛業恐天下人心
未信非仰天裁不足以服之敢取進止願速允之朝
議曰奏事極大上懼祖宗神明下慮億兆人心非可
輒決宜採天下諸侯公具奏焉正篤餽關白以下
各五百金尚忠正色卻之諸卿亦不受正篤大窘○
三月勅裁畧定而又變先是都築峯重謂正篤曰長

野主膳與九條殿臣嶋田左近善因之游說殿下必得勅允正篤從之至是下勅案延議文有凡所奏陳舉倚任關東之言公卿變色傳奏管原聽長主此議藤原實堅援之藤原忠能藤原實愛藤原正房大論其不可諸卿皆從之忠能以下八十人抗疏請改之帝嘉其忠直詔改之安政日記○實萬辭內大臣權大納言藤原忠香代之聽長嚴傳奏藤原正房補之宣下○尚忠召正篤傳勅旨曰米夷所請事體極艱人心之向背國家之安危在此一舉主上深思宸憂

日切往歲下田之舉已不副聖意况復開諸港不易輕決也宜議三家及諸侯以奏處置之宜○都繁奉重自殺謝食言云○夏四月勅增大廟及京師護衛○正篤歸于江戶召巴爾理士於私邸頗分疏內情擬延約期因賜老中連署書證之巴爾理士不喜曰二國已刻期而以人心不安塞責萬國之所未有史誌之所未載甚無謂也請自詣京師取決正篤苦諭而止元治夢物語○井伊直弼為大老○五月所司代本多忠民罷酒井忠義代之鑑○六月米艦二艘來下

田魯艦一隻來金川曰英佛諸艦踵至達井上清直
堀利熙等檢之巴爾理士曰英佛既克支那勢未
迫不復米人恭順之比貴國欲如之何雖然速定條
約給印信業已為我同盟則我敢諭二國圖以無患
否則禍且不測清直等大怖咄嗟定約而花押之號
曰假條約以與米使直弼大召列藩麾下曰各國湊
至如斯而猶奉朝旨俟衆議若誤事悔不及清國之
事可以鑒也是以雖未經奏允且權許互市井上信
康等既解之於金川勢出不得已也○今日○老中

堀田正篤罷太田資始間部詮勝復為老中○京
師大火○家定令松平賴胤松平定安久松定猷池
田慶政松平慶榮山内豐範毛利慶親立花鑑寬衛
京師大坂兵庫界○秋七月僧月性平月性字知圓
號清狂周防人以充擴國恩排擊匪教為任為之感
激興起不少云懷古集○英艦三艘來品川○家定
迎宰相德川慶福立為世嗣更名家茂時甫十二擯
斥齊昭慶篤慶恕慶永各屏居別第禁一稿慶音登
城貶本鄉泰固石河政平褫職削邑使義比代慶恕

直廉代慶永義比慶恕之弟直廉慶永之支族也先是齊昭慶恕慶永議曰將軍無子而嗣君未定方今國家多難非長而賢者不能以副其職因以刑部卿年已長且有聲望欲立為嗣刑部卿即一槁慶喜也昭第八子也時直弼等深忌齊昭英明故宣言宰相嗣立既定齊昭聞之與慶恕慶永請入見將軍議之直弼不為通且論辨拒之齊昭憤怒將與鬪聞部詮勝趨來曰殿下召掃部頭速來擁之而入遂不復出是日家定薨秘而朱發云齊昭等鞅鞅罷出既而皆

蒙譴於是直弼無復所憚授幼主當樞要恃權振威

內外目稱跋扈元老

日安政記

○詔徵三家及大老于京

師直弼奏曰齊昭父子慶恕皆有罪廢錮餘皆幼弱

未足贊朝議而直弼外務鞅掌事機甚急亦難跬步

因命間部詮勝西上至則賜咨問○改修荷蘭舊約

與魯英皆權許互市一準米國規式

史世

○八月家

定薨謚溫恭贈太政大臣正一位

宣下

○彗星見東

址天下暴痢時呼虎狼痢朝馮夕死諸樂無驗彗星

滅而痢亦息○朝廷賜內旨于齊昭蓋聲幕吏違勅

之罪命以尊上攘夷也初齊昭之所黜也憤懣殊甚其臣安嶋帶刀鮎澤伊太夫鵜飼吉左父子欲奉勅以遂其意謀小林良典等會橋本左內在京師主其議日下部伊三次飯泉喜內在江戶贊之時朝紳處士往往減否恭政物議大湧伊三次遂抵京師與鵜飼幸吉奉詔而東下先是直弼噉長野主膳遣謀京師備悉情實至是詮勝至京師與關白尚忠謀譴藤原政通藤原實萬削髮執小林良典鵜飼吉左橋本左內及賴三樹梅田源治藤森恭助等五十七人檻

送江戶江戶亦捕飯泉喜內安島帶刀等數十人並

下獄述世事情
懷古集

○九月權許佛國互市至是五國條

約皆成○冬十月家茂為內大臣任征夷大將軍叙

正二位宣下

○間部詮勝奏曰主上欲距絕夷狄幕

府固奉戴之諸吏亦所願然非公武一致上下同心

則不能奏効也伏望且緩機宜○十二月幽青蓮院

宮○泉涌寺靈明殿災○六年春正月家茂令徙高

戶于金川大開互市場

安政
日記

○三月左大臣忠熙右

大臣輔熙罷以內大臣忠香為左大臣前內大臣家

厚為右大臣權大納言藤原齊敏為內大臣宣下○

夏五月帝賜尚忠政通忠熙輔熙實萬等黃金若干

以慰廷議外事之勞○家茂令禁洋服○六月禁鬻

官衙圖籍及兵器於外船○秋七月金川大風海溢

人溺船毀抄今日○八月家茂奏增尚忠職俸五百苞

采邑一千石○直弼譴齊昭就國禁銅終身讓慶喜

退老屏居幽屏山內容堂太田道醇命安島帶刀自

刃斬鵜飼吉左父子弟根伊與助日下部伊三次飯

泉喜內橋本左內吉田寅二賴三樹等放竄點澤伊

太夫小林良興藤森泰助等十餘人先是清水寺僧

信海奉勅祈調伏敵國安穩萬民事觸幕忌下獄而

死其兄月照亦有志人既投薩海而死云評定明斷
案留魂錄

○九月家茂分與蝦夷於伊達慶邦保科容保南部

利剛佐竹義就津輕承烈酒井忠寬壑關○冬十月

江戶城災○十一月再造靈明殿○萬延元年春正

月遣村垣範正新見正興于米國外國公使是為始

外國
年表○安藤信正為老中繼武○三月佐野光明黑澤

忠三齋藤周德有村兼清蓮田廉等十八人要擊井

伊直弼于櫻田殺之是日大風雪直弼來後與從者七十穿赤襪傾蓋喝道而行忽有數人自路傍出雨衣奴裝自呼訴人近與側從者叱避之隨叱隨近遂巡之間又有數人襲擊前驅從者皆赴之訴人衆間確與丁與丁舍與走從者視變反救前後集鬪互有死傷一人跳出橫刺後與中出直弼賊之貫刀上大呼曰有村兼清獲井伊公矣與數人吟哦去至日比谷門自磨而死餘或死或去獨大關和七等四人赴熊本藩邸光明等四人詣老中脇坂氏邸竝自首

請罪遂上書畧曰井伊中將挾幼主抱私意黜陟有

司罪一也苞苴私謁無所不至罪二也斥柳營羽翼

之良將罪三也喉間部閣老註誤九條殿下幽廟堂

輔弼之名卿罪四也懼洋夷之虛喝不得勅允而擅

結條約罪五也凡斯五罪神人所不共容故臣等代

天誅之固不敢犯大府也後皆死刑典風集蓮田遺書○改

元萬延○夏四月家茂改鑄小銀四銖二銖比舊制

皆小也○六月許葡萄牙人通商定條約○本多忠

民為老中武鑑○秋七月英人上富嶽量驗高底○八

月德川齊昭平年六十一私謚曰烈公公為人英明果決夙慮外夷之禍豫講禦侮之策故為幕吏所忌

數蒙奇禍云

回天詩史
振氣篇

○家茂使婢槁本氏入京奏

請尚皇妹和宮

○九月立親王睦仁為太子

御譜
紀

○外國奉行堀利熙面折安藤信正自裁有遺書指斥其五罪一時流傳讀者莫不流涕

懷古集

○冬十月

築江戸城

○十一月脇坂安宅辭老中

武鑑

○文久元

年春正月家茂鑄鐵大錢文曰寬永通寶背作波圖

以一當四

○二月水戶脫藩士魁長岡傳教四方曰

奉烈公遺志蕩熿醜夷諸藩亡臣日益競集凡二千

人將襲橫濱而入江戸所在騷擾至是家茂令慶篤

捕之分遣諸侯扼其街路益嚴蕃館警備

○魯艦碇

泊對馬上陸橫行劫奪民物捕殺數人初宗義和力

溫諭之而肆橫益甚至是一藩大憤欲悉力殲之飛

書報江戸家茂遣吏按問之既而去

○詔發內帑賑

山城窮民

○改元文久

○夏五月長岡之徒有賀重

信岡見富次等襲蕃館善福寺殺英人三名衛吏禦

之頗有死傷重信等二人死之餘皆逃散英國公使

大怒曰亡狀如此不可復以理說即與佛蘭二公使
退橫濱將率兵逼江戶家茂百方謝之事纔得解尔
後英人置兵隊以自扞焉於是更令慶篤捕黨與其
徒多走與利○秋七月英人乞測量內海聽之○冬
十一月內親王和宮東下典侍庭田氏從之庭田氏
攜本實父之女○是歲遣使於歐羅巴諸國今日抄
近世史
畧○二年春正月春日神鏡自毀○河本式越智通
弘等要擊安藤信正坂下門外刺輿傷脊從士山
田彦八等拒關信正走入郭門彦八等皆被創遂屠

式等六人擁信正而還六人各懷一封書題曰賴朝
趣意畧曰信正強請皇妹配之將軍欲藉以要通市
勅允不聽則逼以讓位使幕府突葉恭順之首一旦
委之地天幕之罪人臣等不忍見因今捐微躬斬戮
姦賊家茂大索遺黨兒島強介大槁噸藏並連坐死
于獄元治夢物
語振氣編○罷老中安藤信正武鑑○二月毛利
慶親建議曰方今開鎖和戰群議紛興黨同伐異天
下洶洶有瓦解之勢然是尚枝葉耳如崇奉天朝以
明君臣大義協和公武以一天下人心廣究諸蠻情

形以確立國本是其根本也願審拭之既而自見老
周召雅樂雅樂素忘鎖攘故其議與老中協因遇之
授密旨說京師○夏四月雅樂入京師上奏陳持議
竝申慶親之志時攘夷之說朝野喧然有圖雅樂者
遂不得其意而復東○詔嶋津久光毛利定廣自駐
關下鎮撫浪士時慷慨勤王士脫藉自稱浪士先是
筑前脫藩平野國臣在攝播間以尊攘說鼓舞志士
其徒大約二百人相議曰吾儕烏合無所統一冀倚

一大藩以就事日望所屬會聞久光抵姬路相率趨
之要請曰幕府凌蔑朝廷結納醜虜暴慢云極矣臣
等憤激不自禁欲戴公以解朝紳幽厄批阪彥及二
條城掃令各藩遂奉鸞輿於函嶺問幕府之罪以速
攘洋夷願閣下憫臣等微衷領之久光意患其暴舉
依違撫之入京師奏之先是定廣將就國途過京師
因竝有此命近世史畧久光嶋津茂久支族也武鑑○五
月巖老中內藤信忠起脇坂安宅再為老中武鑑○六
月毛利慶親奉詔自江戶入京師近代月表○左衛門督

大原重德齋詔東下島津久光卿旨陪從其勅曰宜
率諸侯入朝議決內外事宜宜依豐臣故典選大諸
侯為五大老以咨詢國政宜以一槁慶喜為夾輔松
平慶永為執政各戮力協心以指揮中外朕之所慮
在斯三事審議決之家茂謹奉旨重德西歸久光從
之途過生麥英人馳馬衛久光前驅從士怒斬之世迫
情○秋七月家茂大行黜陟起慶喜為後見慶永為
政事總裁職罷老中久世廣周所司代酒井忠義以
松平宗秀為所司代武○應永等大布新政令諸侯

續會同江戸之期許其妻繁流國史也○浪士殺嶋田

左近宇野玄蕃梟首于四條債粟田口榜其罪狀曰

天誅名治夢○罷關白尚忠內大臣建通削髮禁鋼

千種有文岩倉具親富小路敬直以左大臣忠熙為

關白月表雲○山內豐範入京詔與慶親久光同鎮

撫時稱其威望曰薩長土○八月置京師守護職以

保科容保充之罷井伊直憲宿衛令直憲削其臣長

野主膳釋戍午以來關國事獲罪者削死者罪名許

建墓碑數故井伊直弼罪削其封十萬石及安藤信

正二萬石久世廣周一萬石其餘各有差通事○冬

十月井上正直小笠原長行為老中武鑑○中納言三

條實美少將姊小路公知齋詔東下山內豐範奉旨

從實美宣勅曰攘夷宸旨終始不渝宜速決策奏其

期且徵募兵食于諸藩歸為親兵以守禦京畿兵家

茂謹領宸旨通事○幕府奏薦戶田忠恕族和三

郎為山陵奉行任大和守脩理山陵荒廢武鑑○

中川久昭過伏見東下青蓮院宮遣人詰之曰何先

關東而後京師乎久昭不執答即入京師是時在京

諸侯八十餘藩寬永以降未曾有云通事○十二月

遣英館于殿山英人未移居有人火之又殺塙二郎

于九段坂二郎受安藤信正密囑檢廢帝例者也表

○島津茂久獻米一萬石于京師○是歲家茂囑荷

蘭遣軍艦遣榎本鐮次赤松犬三內田恒次等學海

軍術又募庶民編步兵分士卒作砲騎二隊以弭三

兵隊通事○二年春正月一槁慶喜入京諸藩

士浪士逼以攘夷之期慶喜曰俟將軍至諸士憤其

因循殺賀川肇投首于其館曰為血祭肇亦主膳之

黨也續國史○夷武兵久阪通武等以攘夷期逼關

白忠熙表忠熙辭關白右大臣輔熙為關白○

詔諸侯建言學習院議國事表○二月詔青蓮院宮

服飾參與機務稱中川宮○三輪田綱一諸岡節齋

等斬足利三將塑像首梟之三條磧聲其罪以諷幕

府保科容保捕下獄將處刑毛利定廣奏宥之自是

士民頗傾心毛利氏云振氣○三月家茂朝京師舍

二條城○帝幸加茂親祈攘夷輔熙以下公卿扈從

家茂率諸侯從衛前後鹵簿極盛通世○諸藩士通

松平慶永促機夷慶永病之上疏辭職得允而

就國家茂讓其輕平幽屏之元治夢○嶋津久光歸

國先是中川官尊融及忠熙親薩實美公知親長土

勢稍相軋至是久光奏曰臣數陳鄙見規時事而纔

口紛紛言遂不行而猶在關下恐媒孽不虞之紛擾

且攘夷期迫矣弊邑不可不為備願賜數月暇留書

發程通世史畧後編○幕府募死士編隊名曰新徵以

清川八郎為隊長其徒亡賴不羈募軍須於江戶豪

戶將襲橫濱速迫騷然幕府悔之命諸藩所在捕獲

八郎為人所殺事寢平通世○夏四月帝行幸男山

將就祠前賜攘夷節刀於家茂是日家茂稱疾不出

慶喜在扈從曰詔代受慶喜窮蹙俄稱疾下祠浪士

聞之怒曰咄惜夫不足偕為事遂議大皇親征請為

先鋒朝廷慰藉之通事○詔十萬石以上諸侯每三

月更戍京師使三條實美掌之親兵亦屬實美與馬

填門元治勢○詔攘夷期以五月十日為限家茂違

之諸藩發京師入大阪城通世○先是家茂留京

限十日將東歸德川慶喜恐變之開說輔熙實美請

以代天皇燕見家茂曰當在此指揮諸侯家茂感

喜乃詔德川慶篤為將軍目代委以攘夷慶篤奉詔

東下時英人以生麥事逼幕府日急德川茂德在江

戶城馳駟告急薩人聞之上書幕府曰生麥之變彼

本失禮於我我回殺之曲在彼而彼求償何舛也我

請用兵決之勿復憂勞至是英人帥兵艦來曰請得

殺我士官者否則得政府償金五十萬元更取三萬

元於薩矣刺日而逼老中大怖飛書報京師皆稱病

至無一人視事者續國史○五月茂德欲西上奏請

與償金慶恕在京使人留茂德於途茂德入名古屋
城稱疾不出慶篤致書關白輔熙曰議決不償輔熙
告之中外既而幕吏無辭故延其期會慶喜長行奉
檄弟詔東下長行欲先鎖港而後償金老中信薦等
不聽長行獨抵橫濱說各國公使亦不聽慶喜途聞
償金議決馳駟止之不及遂輸洋銀四十五萬元事
始平通代月表○十日長門人砲擊米艦於赤間關
米艦敗走爾後與米蘭佛戰赤間關前田允五戰互
有勝敗小倉藩傍觀不援長人大銜馬關將軍家

茂入京師○盜刺姊小路公知於朔平門外公知歸
家而斃道路以為薩人所為詔嚴嶋津氏乾門宿衛
物語○六月毛利慶親獻金一萬圓於朝廷○詔

正親町公董為監察使遣長門賞其果斷益獎勵諸
藩○長行海路抵大阪將入京師朝廷不許詔虜官

爵屬大坂城代松平信庸禁銅之尋許之通代月表○江

戶西城火○將軍家茂海路東歸通代月表○牧野忠恭

罷所司代稻葉正邦代之鑑○秋七月黃艦七隻入

鹿兒嶋港曰生麥之事既與幕府平更得贖金三萬

元於貴藩以粮死者妻孥否則得主使者將奪薩艦
為質會風雨薩人乘之逆戰英艦向岸砲擊彈丸
雨注火移市街炎焰焦天我兵悉力拒之既而英艦
皆去又圖再舉薩人借金於幕府償輸如數事始平
初此役起勿平一艦狼狽不遑拔鎗絕繩而去薩人
奪鎗及和成英人懇請得之萬國之法奪鎗則傳之
四方告戰勝事平則出金贖之今不費一金得之其
喜可知也史記○老中松平信義嚴以有馬道純為
老中繼○幕府遣使於長門詰擅砲擊洋舶長人分

疏曰奉天朝幕府之命何擅之有遂不服由是幕府
惡長人公卿嫉長聲望者架機間之續國史○八月
十三日詔曰行幸大和拜畝傍山陵駐驛春日山議
親征池田茂政池田慶德蜂須賀茂韶上杉齊憲等
入朝請止親征不聽近世表○十八日俄羅毛利氏塲
町門宿衛使稻葉正邦代之先是慶親父子就國使
支族毛利元純吉川經幹及益田親施等代守是日
昧爽尊融俄人朝急召容保正邦命鎖九門使薩摩
會津定因幡備前等兵分守之衆皆戎裝列砲備之

道路騷然事將不測元純等聞變馳至諸門戒嚴不許一介入之遂馳至關白輔熙第輔熙亦受朝禁不悉事端親兵亦擁三條實美至關白第時尊融召前關白忠熙右大臣齊敬內大臣公純及慶德茂政茂郭等曰親征出英斷大和行幸非依宸衷三條中納言等黨長人浪士暴議逼請行幸大犯震怒當正其罪因宣行幸中止之命令柳原光愛召輔熙實美依之請朝朝議欲召之容保茂政沮之乃使清水谷公正責實美屏居因諭元純等令眾聚關下恭然待

命元純等百方哀訴不許乃親施留書請歸國懷東而退三條實美西三條季知東久世通禰四條隆謨錦小路賴德士生基循澤宣禧亦脫禁走長門朝廷大怒削其官爵尋禁長久入京遂詔曰近頃教令真偽錯出惑人心者多然今日以降實出朕意列藩其體之元治夢物語國史要覽○尊融任彈正尹稱尹官雲上明覽○

九月以有栖川親王熾仁為攘夷別勅使使池田茂政從之東下茂政上表辭之尋停別勅使詔止貢親兵近世史畧○詔酒井忠顯東下讓幕府攘夷遷延近代表

○幕府命紀伊彦根津郡山諸藩討天忠黨平之先是藤本津之助松本謙三郎吉村寅太郎安積五郎等數十人以中山忠光為將發京師比入大和來聚者九千人號曰天忠黨說狹山丹南白木諸藩借兵仗殺五條縣令鈴木源内梟其首諭村民曰本地從今屬朝轄曰除今年田租之半村民嘗惡幕吏苛政故喜為其用乃修櫻井寺掘之既而聞朝議變相議曰事已至此吾輩無所於容身不如快戰殉國乃衆曉霧襲高取城城主植村家保防戰却之黨兵退掘

天川險紀將水野多門率衆擊之不利多門傷兵多死津將藤堂新七以兵六百攻天川黨兵設伏佯走新七尾擊陷伏大敗彦根兵援之津兵及戰黨兵敗走追北抵十津川日已暮黨兵夜襲彦根營營兵三十人死之津兵襲大川黨兵大潰彦根紀伊郡山兵四出討之謙三郎津之助等死之忠光走大阪航至長州五郎以下五十人就捕後皆被誅

南山隨

○松

平慶倫蜂須賀茂韶藤堂高潔池田慶德淺野武敷池田茂政連署奏請曰薩長首唱勤王而遠之列藩

生嫌非計也請召二藩一我敵愾以攘外夷不省朝議特召嶋津久光

元治勢物語

○冬十月平野國臣南木

八郎等推澤宣禧為主帥扼住馬生野聲言討保科容保罪叩闕申冤居數日土兵聚者殆千人乃抵銀山廳募金穀既而幕府命出石豐岡姫路諸藩討之衆聞之多逃宣禧亦再西奔獨八郎與十二人扼妙見山殊死奮闘一以當百而衆寡不敵遂自刎八郎長門人勇敢負氣其臨死手介十餘人首而自刎云先是國臣為學習院督長請鎮天忠黨南至五條村

途聞朝議之變再入京師奏請召七卿及利氏不

省國臣謂尊融容保阻之乃西至長門為此舉遂為

出石兵所獲後竟被誅

振氣編述事紀畧

○嶋津久光入京

師奏請召家茂慶喜慶永山内容堂皆踵至

近代月表

○

十一月家茂遣池田筑後等於英佛諸國議鎖港事

○江戸牙城災不復築

新選年表

○十二月輔熙辭關白

右大臣齊敬代之遷左大臣内大臣公純為右大臣

大納言忠房為内大臣

明覽

○長藩根米上總并原

主計至伏見上書先是元純等之歸國也長人叙慶

親父子癸丑以來周旋天幕一意倡尊攘以迄今日
事情名曰奉勅始末書至是齎來乞入京師奏之朝
議不許遣人受其書紀事○薩摩汽艦泊田浦距長
門砲臺不遠臺兵以為舳艫砲擊之彈及硝庫一船
忽焚溺死者三十人薩人啣之將遣使長門詰之幕
府慰喻止之史記○元治元年春正月將軍家茂率
諸侯入朝詔曰暴舉攘夷非朕所好而三條實美等
不察宇內大勢矯詔議親征而長人亦忽其主命砲
擊舳艫其罪至矣然皆朕不德之所致自今海內一

融悅絕外交以副朕意時謂之翻覆綸旨

近世史略

○家茂為右大臣久光叙從四位任中將列諸侯成

鑑武○詔奉幣宇佐香椎二座○保科容保為海陸軍

總裁松平慶永為守護職松平直克為政事總裁既

而慶永罷守護職容保代之武○二月改元元治年

○三月以慶喜為禁內守衛攝海防禦都督免將軍

後見武○黑田慶賀上奏曰癸邑沿海兼長崎戌今

有著艦寇長之說不可傍觀請賜暇就國以修守備

臣嚮患長事使家臣諭之然事太難臣歸途過長視

慶親父子告京近狀使之悔悟謝罪并探情實而奏之是時諸侯各疏其所見論時事者三十餘名其他

藩士奏疏亦多續國史畧後編○夏四月稻葉正邦為老中

松平定敬為所司代鑑○詔家茂曰攘夷勿變海防

勿忽必鎖橫濱低物價以安民心實美慶親之事一

切委之當適宜處之家茂大喜奏新法十八條以表

尊崇之意朝議可之近世史畧○德川慶恕拜正二位蜂

須賀茂韶伊達慶邦池田慶德鍋島齊正黑田慶贊

遷參議慶恕改名慶勝大成武鑑○五月將軍家茂歸江

戶○水戶藩藤田信田丸直諒等批筑波山起兵聚

者凡五百人初齊昭拔藤田彪等整革藩政老臣結

城寅次等忌之齊昭乃黜寅次寅次怨望誣告齊昭

圖不良幕府乃幽齊昭及彪等自是藩論兩分遂為

黨結城汎曰姦黨藤田汎曰正義及齊昭卒姦黨市

川三左朝比奈彌太等頗排正黨信等憤激相約舉

事三左等奉幕命討之互有勝敗天詩史畧○六月

大納言一條實良奏曰嚮將軍與一搦業已奉攘夷

詔故委任萬事而未見其功將軍即知事不行則當

日一

論之於初而入則奉詔出則忌戰臣不解其故取議

國事參政

續國史
畧後編

○長藩福原元備抵伏見上疏曰

宰相父子自奉攘夷詔日夜累苦盡力敵愾而忽蒙
天譴一藩驚愕不知朝議所在伏願復七卿官爵許
父子入朝親賜勅問則積日宸疑必釋然足以悉其
無他是日真木保臣久阪通武米嶋政久寺嶋昌昭
入江弘毅等四百人脫藩而抵山崎舍寶寺既而久
阪通武等抵嵯峨次天龍寺京師騷擾國史要覽○七月
二日幕府遣大監察永井尚志等於伏見諭元備曰

宜列三日撤各所屯聚東衆歸國以待後命苟依違
不去則奉詔追討衆其勿悔元備請緩其期不聽既

而國司朝相稱脫藩鎮撫率兵二百抵嵯峨十四日

益田親施亦為鎮靜抵山崎京師益騷元治夢物語
續國史畧後編

○

十七日尹宮尊融關白齊敬及一橋慶喜松平

直克保科容保等入朝軍議徹曉時薩摩土佐久留

米三藩連署建議曰長人託名哀訴挾兵擁衆敢叱

集京近悍然梗命不敢退默仰裁縱其言有理要上

之罪斷可討矣伏乞斷然決處分臣等敢效死事

紀有極川宮熾仁一條實良以下七十餘人連署奏
曰今動干戈則闕下庶民忽陷塗炭宸慮恐不可安
仰願枉駕寬典許長人請尊融容保同聲曰逆徒獲
兵器劫朝廷若戰慄聽渠願朝權墜地何以振興皇
威乎宜進討也矣議遂次元治勢○十八日傳令諸
藩部署所向布達長人聞之憤激曰薄恩至此甘由
容保護構當一舉殲之以清君側福原元佃等百方
鎮之不聽久阪通武諭衆曰今稱兵迫關則我之反
名不免而彼之姦計果中焉非計之善者不如與衆

歸兵庫待嗣君至決事也真木保臣斥之曰今日之

事唯有橫尸關下以報君恩爾勿復多言議遂決時

容保寓內苑凝花洞保臣等廉之約以先襲花洞事

紀○十九日昧爽三處長兵同發向京師嵯峨兵先

入時一搗兵守中立賣門逆擊國司朝相不利會津

兵時守蛤門與來嶋政久戰伏兵俄起會兵腹背受

敵苦戰不支先鋒久保田半次等死之衆乃敗走元

勢語長兵追躡直迫花洞諸藩兵披靡不禦獨薩藩

兵視急馳至橫擊長兵衆名沒兵得勢反戰長兵沮

摩國朝相來援之合衆進擊執復振薩隊長仁禮
某縱兵襲其背前後夾擊政久殪於流彈長兵大沮
迎事紀畧時官中雜蹂或議遷乘輿於加茂容保定敬入
諫之退直殿下山崎兵既來久阪通武入江弘教寺
嶋呂昭真木保臣自鷹司邸後門入因輔熙哀訴未
了戰已酣越前衆名彥根兵圍擊之不利長兵前向
花洞薩會兩兵來援發巨砲放火鷹司邸長兵大潰
通武呂昭弘教等死之先是福原元僭自伏見北上
時大垣兵守官道隊長小原兵部伏兵待之砲戰數

合伏兵四起左右銃擊飛丸中元僭肩墜馬脫身走
於是長軍皆敗朝相等僅以身免初益田親施留山
崎率兵百餘以為後援及前軍敗保臣至山崎諭親
施走之既而會衆兵攻山崎保臣等焚營自殺薩兵
亦至嵯峨長兵已遁不見隻騎乃焚其營而歸時長
人潛匿民舍容保命放巨砲放火所在延燒四行踰
日不滅京地大半為焦土後幕府給米錢慰恤遭災
者云元治夢語初毛利定廣在備前聞京師之變途
還慶親上書曰嚮使福原元僭等出鎮脫藩者圖

元憫等違節度黨脫徒逼關下勿論其橫逆亦臣教戒無素之所致也使族毛利元純拘執元憫等三人而臣慎謹竢命詔削慶親以下官爵家茂傳令薩肥執筑等二十一藩西征部署海陸所向以德川慶勝為總督刻期臨安藝家茂將擁大兵繼之遠近肅然

近事○詔幽屏有拙川官熾仁一條實良以下七十餘人及輔熙父子家茂奏大賞戰功諸侯進位賜物有差近世先是有人斬佐久間修理於京師揭示其罪初修理連坐吉田寅二獄幽於松代既而見原在

京師與容保尊融謀欲遷玉座於江戶志士憎之遂

罹難元治○八月四日米蘭諸國兵艦八隻寇

赤間關先是外國公使會議橫濱將寇長報忽聞征長之令下乃米襲其二艦發砲指揮餘艦餘艦輪轉向岸砲擊砲臺兵亦擊忽傷一艦二艦扶退臺兵益砲擊彈丸交注砲烟蔽海外人衆暗上陸憑山狙擊我兵力拒迭有勝敗時長人聞東軍已逼國境遂講和各國通責前囂長人對曰奉朝旨幕命耳出證左示之講和始成馬關○九月家茂令諸侯再實女等

於江戶○冬十月家茂令田沼意尊以三兵隊討武
田正生正生歸耕雲齋以讜直受齊昭眷遇及信等
起事會在江戶頗憂其輕舉將有處之慶為請幕府
遣族松平賴德鎮之令正生從之正生途率正黨在
小金原者將入水戶三左等拒而不納乃奉賴德走
抵磯濱議戰守既而襲姦黨於磐船山而破之殘兵
退保那珂湊正生等又進取之姦黨聲正生等罪執
其妻孥於城中盡下之獄訴狀江戶以甘言要迎賴
德賴德欲往正生危疑止之不聽遂從數人抵城下

三左等數賴德曰公受鎮撫命而與賊何也遂矯幕
命逼之自殺時信等在筑波陰議欲援正生誅鋤姦
黨浪士相謂曰吾輩舉事在攘夷何關二黨私爭相
率遁去幕兵衆間擊之信等以殘兵三百投正生軍
正生既忿姦黨亡狀決意納之至是合衆防戰居十
日糧竭又有內應者正生等欲入京訴事遂率見兵
八百走美濃欲西入京師路梗而不通乃轉抵越前
時加賀兵守近江海津正生乃遣使陳狀乞假道入
京不聽先是慶喜聞正生等將至奏請自討之將兵

抵海津正生上書乞哀不聽正生等窮蹙不知所出再投加賀不納出書乞降且請除賊名加人坐狀幕府幕府命幽之敦賀明年二月斬之云國史要略○征西總督德川慶勝抵廣嶋傳令諸軍戒戰期先是慶親父子屏居寺院以待罪闔藩恭順每戶閉門吉川經幹遣使於廣嶋告之既而刑福原元佃益田親施國司朝相以下十餘人齎首至國泰寺獻之於是慶勝傳命止攻擊約以四事曰毀山口城曰出五卿曰慶親父子來謝罪曰鎮激論者吉川經幹至廣嶋啓四

事皆奉命慶勝乃奏長人伏罪之狀

逆世事情

○十

二月家茂拘五卿於太宰府命薩摩肥前肥後筑前

久留米五藩監護之傳命諸藩班師先是錦小路賴

德病死澤宣禧出寓他邦故不及

逆事

○是秋池田

筑後等歸自佛蘭西初鎖港之議決也幕府遣使於

各國說之筑後等先入佛觀其交際之盛直還陳其

不可說幕府責辱命削其官祿

逆世

○慶應元年春

正月長藩高杉晋作等舉兵於赤間關初京師之變

掠梨藤太敗滿新三郎等不與其事者以為誤國刑

三國老以下首謀者，毀砲臺柵門，以贖罪。晉作等不
憚，目滕太等為俗論黨。俗黨大恚，將捕晉作。晉作脫
走，筑前欲排俗黨。革國弊，乃還赤馬關，傳檄募兵四
方響應。先是，晉作新編隊，目曰奇兵。隊藩人望風，編
隊以左右之。於是其徒聚者凡五百人，乃畧赤馬關，
廳獲糧，仗率兵薄萩城。俗黨大驚告變，幕府復還慶
親父子城中，傳令國中禁賣衣食於奇兵。令栗屋帶
刀將兵討之，連戰大敗。晉作等遂入萩城，斬滕太。新
三郎以下數人，徇軍門。於是藩論又歸一矣。晉作等

奉慶親父子於山口，議曰：「幕府罪我，得三國老首末，
憚而吾輩之事又足激其怒，再致兵必矣。」請與諸君
力戰以慰死者。諸君努力，衆皆踴躍從之。國史要略○朝
廷聞長門內訌，召家茂。○薩長叙怨講和，初京師之
役，薩人極力擊長人，斬獲頗多。既而藩議一變，乃善
視長俘虜，至是禮而還之。西鄉隆盛密遣使於長門，
通好會土佐、阪本、龍馬等，在長贊成之。○藩竟叙怨
史畧○夏四月，家茂傳令天下起征長之師，曰：「治道
諸侯，且緩東觀期，以俟命。」乃部署所向，將親都督之。

屢調兵於駒場野以德川茂德為前鋒都督以井伊直憲榊原政敬為先鋒命酒井忠續留守江戶城既而茂德辭先鋒都督以德川茂永代之續國史○五月德川慶勝上書曰長既刑國老以謝罪而今復征之何也若事屬曖昧則彼有辭恐天下由是解體願熟計之勝安芳亦諫以無名之師無功酒井忠續怒黜安芳史記○閏五月家茂入朝尋入大坂城初家茂之發江戶也譜第將士分日遞進會滋霖彌旬河水漲溢往來不通人馬填咽比驛後發者歷五月始

抵大阪云

通事

○秋九月家茂入朝又入大坂城小

笠原長行復為老中

武鑑

○英米佛蘭帥兵艦九隻來

兵庫促條約勅允及兵庫開港曰苟速不決則

京師辭之刻日而逼而防長之衅方開內外切迫家

茂大憂於是稱疾辭職欲使慶喜為將軍上表請之

并建白意見乞開港勅允通事○冬十月家茂發

大阪至伏見欲得命東歸在阪諸將士視急爭從道

路騷然時慶喜在京師聞之大驚即夜與容保等單

騎馳抵伏見諫止之尋慶喜容保長行等連署上疏

賣

請條約勅允以申家茂之意朝議不得已從之乃勅

許結條約更正舊約續國史特不許開兵庫港續國史

○詔家茂力疾復視事史畧○十二月家茂命永井

尚志西按長門事先是有所鞠問召長藩老臣於大

阪不至至是安戶備後介來廣嶋一一申辨之紀畧

○二年春正月慶喜容保定敬長行等與齊敬議決

長門處分○二月長行抵廣嶋召慶親父子及支族

時置牙營於廣嶋為總督府續國史○夏四月安戶

備後介小田村素太郎代慶親父子而來支族四家

亦各遣其臣長行欲召備後介傳命備後介以疾不

出更召素太郎曰某不能專對於是呂支族四臣於

國泰寺傳幕旨曰慶親父子雖嚮誅罪人和歌

然失職之責不可追今奉朝旨以決三條曰削封十

萬石曰禁錮慶親父子使嫡孫承後曰絕福原元間

等三家又曰汝等宜傳之其主速致奉命之書先是

長兵屯其南部者立石孫一等百五十人之命隊長

等迫之不及乃貽書於藝曰寡君謝罪以來闔藩目

望恩裁而大兵臨境者日衆上下危懼其屯南部者

讀

海路脫走不知所之若或至尊藩請逮捕以通我情
於幕府既而脫徒侵掠備中倉敷焚淺尾松山岡山
藩兵追擊龜嶋走之幕吏後藤一兵佐々共半十等
自藝主亦討之阿部川走之備中乃平通事紀畧
倉敷日記○
五月長行等縱兵圍備後介素太郎逆旅就擒二人
囚之於藝令從者盡還國蓋長行疑倉敷之變二人
倡之也長人遣使託藝請曰宗家得嚴譴臣忝見
拘國情紛紜未得報命唯支藩相議耳如刻日復命
請暫緩其期幕議不許後屢託於藝乞返備介等

皆不許於是長人上下大怒遂決戰志益嚴

俟幕軍至先是嶋津茂久上書幕府論師無名同辭

出兵國史驛要
近世事情○六月幕府進兵於長防

隊及紀伊彦根高田兵自安藝鳥取松江濱田福山

紀伊兵自石見肥後柳川小倉兵自豐前海陸並發

時長行抵小倉督豐前軍東軍二千餘以兵艦砲擊

周防大島燔聚落長人不應東軍上陸所遇抄掠既

而長兵衆艦來戰殺傷相當又設伏挑戰東軍擊走

之衆勝追北伏兵四起東軍大敗棄糧仗航而走松

山將佐久間一學死之東軍乃收敗卒還藝時藝東
軍既進先鋒高田彥根兵將入長境長將太田市之
進石川小五郎等率兵八百潛涉小瀨川上流襲東
軍後東軍大敗棄砲而走長人尾擊入藝境取大竹
小方久波隔四十八阪而軍東軍退軍大野後連戰
至八月東軍終敗績逃還廣嶋長兵乃取大野先是
石見東軍軍雲雀當麻二山別置兵千六於益田
將進攻而長將井上聞多大利益二郎率兵二百襲
益田東軍不支濱田將山本半弥死之長兵涉周

布川取雲雀當麻逼濱田城東軍又不利退軍三枝
刑部死之城兵知不可復支自焚城而去城主松平
武聰航走出雲東軍悉還藝長兵進取大野官廳並
散積聚分給土民土民頗屬心於是石見全為長兵
所畧時豐前東軍將襲赤馬關長將高杉晋作山縣
狂介等以兵艦三隻逼田浦上陸進戰小倉將島村
志津摩以精兵三百防戰長兵燔田浦奪兵仗而去
尋取之又向門司關砲擊聚落火之小倉兵逃也大
里長兵擊走之築紫扼之先是佛艦受幕府密囑抵

赤馬關知長曰我已與日本政府盟故我將助政府而討叛者貴國其計之約答期去長人議曰內地之事何關外人宜及其未來舉事遂燔小倉聚落至是佛人來讓長人不屈會英艦來居間和解佛人乃去迎世史畧○老中松平宗秀在廣嶋特原兵戶備後介等放還之督將茂承怒報之於大阪幕府召宗秀詰之宗秀曰臣行秘策而不啓事由督府謬臣宜矣臣探索軍情恐戡定無期故鄙心自斷授首備後介放之庶幾足少折敵銳因上書乞罪幕府乃號宗秀

職幽之大阪

續國史略後編國史學要

○秋七月長兵與後小

倉兵戰赤迫肥兵力拒長人多死長人聞急出兵赤

馬關勢亦振砲擊尤烈飛彈如雨日暮交綏長行急

航走長崎肥後柳川亦帥兵去長兵衆勝追擊小倉

大窪○八月朔小倉兵燔城走齊春長兵猶窮追不

止小倉人乞哀肥薩肥薩遣使於長慰解之長人要

誓小笠原豐千代及支族連署謝事長人撫守去迎

紀畧迎世史畧○將軍家茂薨于大阪城老中稻葉正邦護

柩歸葬江戶詔贈正一位太政大臣謚曰昭德迎世史畧

大成○九月朝議托將軍之喪輟征西之兵詔一稿

慶喜入嗣宗家慶喜遣勝安芳於廣嶋喻長之解兵

兵士志不奉令廣澤兵介井上聞多諭衆從命於是

西事稍平自西師起東軍不能奏一捷自是諸藩多

不受幕府節度云國史○十月罷老中小笠原長行

既而復就職武鑑○榎本鎌二郎等乘開陽艦自荷

蘭歸○十二月詔德川慶喜為征夷大將軍叙正二

位任權大納言大成武鑑○幕府遣小出大和石川

河內等於魯議擇太境界終約彼我人民雜居而歸

續國史○帝患痘瘡遂崩壽三十六在位二十一年

改元者六曰嘉永曰安政曰萬延曰文久曰元治曰

慶應皇太子立是為今上天皇御譜大統譜畧

續皇朝史畧卷之六終

20. 1700

10